

demetriane — ad beate uite statum (spectent) expectant; et mendis plena est. Correctior paullo est lectio ipsorum VII. *Librorum* cum edit. *suprac.* comparata. Margines per totum brevibus Summariis, observationibusque conspersi sunt, idque a triplici manu. Quae diligentissima fuit, *Thomae* nostri *Haselbachii* fuisse videtur, id, quod et *Codex* insequens suadet, quem vide.

II. fol. 128. p. 2. ἀδελφότης: Mens tua que et discere et multum discere cupit immenso sapientie amore succensa etiam aliud nobis opus quod efficere deberemus iniunxit hoc est brachmannorum consuetudinem uitamque monachorum &c. Retuli in Codice sequenti Exemplar Sec. XV. fortassis ἀπογραφον praesentis, ibique notavi, quae ad hoc Opusculum, ejusque Autorem pertinent. Ignoscendum *Haselbachio*, qui ad marginem adjecit: Credo istum libellum etiam lactantii fore ad eundem demetrianum ad quem supra.

CCLXXVIII.

U. 270 Codex chartaceus lat. Sec. XV. Folior. 313. f. non una per scriptus manu, rubricis distinctus, et pro libraria Collegij Ducalis, ut frons adferit, testamento relictus a *Thoma de Haselbach* saepissime memorato continet I. praemissis iis, quae *Codice praeced.* indicata sunt, *Lactantii Libros VII. Divinarum Institutionum* una cum Fragmento de *Opificio Dei* ex eo descriptos, et desinentes in ver-

bosam clausulam miniatam, qua finiti dicuntur: *In vigilia Colomanni patroni austrie singularissimi anno — MCCCCXXXIII^o per Magistrum Johannem römer de wildo aput sacram Studij wyennen. uniuersitatem &c.* Revidit illos, qui verisimiliter describi iussit, *Haselbachius*, notulisque adsperfit.

II. fol. 213. sequitur, ut in *Cod. praeced.* Opusculum de *Bragmanorum* habitudine, cui iterum sua manu praescripsit *Haselbachius*: Credo hunc libellum lactancij ad demetrianum de quo supra. At vero nactus interim alium Codicem adjecit *Commercium* epistolicum inter *Alexandrum M.* et *Dindimum Regem Bragmanorum* fictum illud, ut videtur ad *Plutarchi* in *Vita Alex.* et *Arriani* de *Expedit. Alex.* L. 7. narrationes, quibus *Δανδαμης* Philosophus *Indus* est, neque nisi latine existens, quale habes in *Ed. Bissaei Palladio de Gentib. Indiae, Lond. 1665. p. 85.* 4. Perturbatus tamen in Codice ordo est, et *Epistolae Bissaei* 1. 2. 3. 4. 5. nobis procedunt 4. 5. 2. 1. 3. Interim *Bissaei* 5. quae hiat, e 3. nostra ita compleri potest: nonnunquam etiam suavitate odoris vel gustu dulcedinis aut contactus blanda mollitiae refovemur, quorum omnium suggerunt nobis elementa materiam, quae etiam vitae nostrae creduntur esse principia, quorum permixtione contraria humani generis &c. et in universum mutua Codicis et Editionis opera Exemplum multo perfectius confieri posset.

III. fol. 224. Incipit liber *laſtancij de ira dei ad donatum*. Ita: *Animaduerti ſepe donate plurimos &c.* Diuiſus eſt in XXIII. *Capitula*, quae tamen Editioni *ſuprac.* T. II. p. 127. non reſpondent. *Caput* 18. ab his verbis edit. p. 167. *Miſerum te, inquit — Sed quantum potuerunt graviffime &c.* hiat, omiſſorumque loco irrepſit, ut cenſeo, e margine: *De factio iſtius archite quod hic tangitur Valerius libro quarto fere in fine libri dicit Valerius quod cum longo tempore cauſa ſcientie acquirende abſuiſſet et reuerſus in patriam rura corrupta et perſita negligentia ſerui comperiffet dixit ſeruo ſumpſiſſem inquit de te ſupplicium niſi iratus eſſem maluit enim inſpunitum dimittere quam propter iram iuſto grauius punire.* Quod utique non *Laſtanti*, ſed cuiuſdam Commentatoris eſt. Paulo poſt minor hiatus eſt inter verba: *ut nequam ſeruus iratum — dum iis quos odio habent &c.* Sub Libri finem *Verſus Graeci*, quos adfert Autor, corrupte literis latinis columnatim exarati ſunt reſpondente ex aduerſo traduſtione latina.

IV. fol. 236. Incipit liber *firmiani qui eciam laſtancij de opificio dei uel formatione hominis*. Pariter in *Capitula* XVI. diſtributus, et integer; incipit enim: *Quam minime ſum quietus &c.* et finit: *ad iter celeſte direxerit*, ut Edit. cit. T. II. p. 71. nec lacunis laborat.

V. fol. 247. p. 2. Sequitur *Grecum diuerſorum autorum in premiſſis libris inſtitutionum diuinarum uoluntate (ignorantia?) ſcri-*

ptoris obmiſſum cum ſuis interpretationibus. Haec et ſequentia ad *Laſtantium Παρεργα* induſtriae *Haſelbachii* debentur, cuius manus adlatum Titulum inſcripſit. Una igitur columna Voces graecae ſingulae literis majuſculis graecis depictae ſunt, altera ſignificationes latinae adiaciuntur. Multa in his mendoſa, et frequenter Librarium characteres graecos pingere piguit; latinis potius uſus eſt.

VI. fol. 260. Codicem terminat Index alphabeticus *Rerum in Libris Inſtitutionum diuinarum* contentarum, quem fatiſ gnaviter factum iterum *Haſelbachii* manus inſcripſit: *Tabula Laſtanti*. Pertinet a v. *Ablutio* ad v. *Zenon*.

Fronti Codicis, neſcio cur, ſolertiſſimus *Seb. Tengnagelius* noſter olim Alphabetum, Orationem *Dom.* Salutationem *Angel.* et Canticum *Magnificat* graece adſcripſit.

CCLXXIX.

Codex membraneus lat. Sec. R. 397 XV. Folior. 64. f. eleganter exaratus, auroque et coloribus illuſtratus exhibet *L. Caecil. Firm. Laſtanti* Librum de *Ira Dei*, qui hic *Octavus* dicitur, nempe, ſi illum VII. *Libris Diuin. Inſtitutionum* accenſeas. Praeit Index *Capp. XXV.* ſed per decurſum non niſi XXIV. numerantur *Capite ult.* in duo diuiſo, ut plures Codices habent. Textus, ut jam ſaepe utroque *Vol.* dixi, incipit: *Animaduerti ſaepe Donate plurimos id exiſtimare &c.* mendis non caret, Cap.